

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 25. Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), na prijedlog Ministarstva unutrašnjih poslova, Vlada Zeničko-dobojskog kantona, na 43. sjednici, održanoj dana 14.02.2020. godine, d o n o s i

ZAKLJUČAK

o usvajanju Programa utroška sredstava pod nazivom „Program kapitalnih ulaganja Ministarstva unutrašnjih poslova za 2020. godinu“ sa razdjela 15, budžetska organizacija 01, potrošačka jedinica 0001, ekonomski kod 821 600, pozicija „Rekonstrukcije i investiciono održavanje“ - redovna sredstva Budžeta Zeničko-dobojskog kantona za 2020. godinu

I.

Usvaja se Program utroška kapitalnih sredstava Ministarstva unutrašnjih poslova za 2020. godinu („Službene novine Zeničko-dobojskog kantona“, broj: 24/19), sa razdjela 15, budžetska organizacija 01, potrošačka jedinica 0001, ekonomski kod 821 600, pozicija „Rekonstrukcije i investiciono održavanje“.

II.

Sredstva iz tačke I. ovog zaključka realizovat će se isključivo u skladu sa realizacijom ostvarenih javnih prihoda u Budžetu Kantona i planovima novčanih tokova za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zadužuje se Ministarstvo unutrašnjih poslova da o utrošenim sredstvima po ovom Zaključku polugodišnje izvještava Vladu Kantona.

IV.

Za realizaciju ovog zaključka zadužuju se Ministarstvo unutrašnjih poslova i Ministarstvo finansija, svako u okviru svojih nadležnosti.

V.

Zaključak stupa na snagu danom donošenja.

PREMIJER

Mirza Ganić

Broj: 02- /20

Datum, 14.02.2020.godine

Z e n i c a

DOSTAVLJENO:

1x Ministarstvo unutrašnjih poslova,

1x Ministarstvo finansija,

1x a/a.

PROGRAM

utroška sredstava pod nazivom „Program kapitalnih ulaganja Ministarstva unutrašnjih poslova za 2020. godinu“, sa razdjela 15, budžetska organizacija 01, potrošačka jedinica 0001, ekonomski kod 821 600, pozicija „Rekonstrukcije i investiciono održavanje“ -redovna sredstva Budžeta Zeničko-dobojskog kantona za 2020. godinu

Član 1.

Naziv programa: Program utroška sredstava za kapitalna ulaganja za 2020. godinu
– rekonstrukcije i investiciono održavanje – redovna sredstva

Svrha programa: Nabavka rekonstrukcija radi unapređenja rada svih organizacionih jedinica Ministarstva unutrašnjih poslova (rekonstrukcija sistema zagrijavanja u policijskim stanicama, rekonstrukcija sistema ventilacije u zgradi Specijalne policijske jedinice, rekonstrukcija boksova za službene pse, sanacija mokrih čvorova i vodovodnih instalacija u policijskim stanicama, sanacija keramike u hodnicima te potkova u organizacionim jedinicama, zamjena unutrašnje i vanjske stolarije u policijskim stanicama, sanacija elektroinstalacija, gletovanje i krečenje hodnika i kancelarija u organizacionim jedinicama, te radovi na fasadi i krovu u organizacionim jedinicama), a sve u cilju modernizacije i unapređenja rada organizacionih jedinica Ministarstva.

Visina sredstava : 100.000,00 KM

Izvori finansiranja : Budžet Kantona za 2020. godinu

Kriteriji utroška sredstava : Prikazani po projektu u programu (član 2.)

Član 2.

Pojedinačne rekonstrukcije iz člana 1. ovog Programa će se vršiti prema nazivu projekta, u okviru planiranih sredstava, kako je navedeno u tabeli:

REKONSTRUKCIJE: Rekonstrukcije i investiciono održavanje: - rekonstrukcija sistema zagrijavanja u policijskim stanicama - dio, -sanacija mokrih čvorova i vodovodnih instalacija u organizacionim jedinicama - dio, - sanacija keramike u hodnicima te potkova u organizacionim jedinicama - dio, - zamjena unutrašnje i vanjske stolarije u policijskim stanicama - dio, - sanacija elektroinstalacija u organizacionim jedinicama - dio, - gletovanje i krečenje hodnika i kancelarija u organizacionim jedinicama - dio, - rekonstrukcija sistema ventilacije u zgradi Specijalne policijske jedinice - dio, - radovi na fasadi i krovu u organizacionim jedinicama - dio, - rekonstrukcija boksova za službene pse.	
UKUPNO	100.000,00

Član 3.

Sredstva iz člana 1. ovog Programa isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), razdjel 15, budžetska organizacija 01, potrošačka jedinica 0001, ekonomski kod 821 600, pozicija „Rekonstrukcije i investiciono održavanje“ – redovna sredstva Budžeta Zeničko-dobojskog kantona za 2020.godinu u iznosu od 100.000,00 KM.

Član 4.

Za realizaciju ovog Programa zadužuju se Ministarstvo unutrašnjih poslova i Ministarstvo finansija, svako u okviru svojih nadležnosti.

PREMIJER

Mirza Ganić

Broj: 02-_____/20

Datum, 14.02.2020.godine

Z e n i c a

DOSTAVLJENO:

1x Ministarstvo unutrašnjih poslova,

1x Ministarstvo finansija,

1x a/a.

